



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo Et Magistro P. de Corbolio Canonico Parisien.

**urn:nbn:de:hbz:466:1-20006**

**I O H A N N I M I N I S T R O**  
domus sancte Trinitatis Cervi frigidi,  
ejusque fratribus tam presentibus quam  
futuris regularem vitam professis in per-  
petuum.

Epist. 552.  
Ipsos & ipsorum  
domum recipit  
sub protectione  
apostolica.  
Vide supra epist.  
252.

**O**perante patre luminum, à quo est bonum omne datum optimum & omne donum perfectum, qui solem suum oriri facit super bonos & malos, etiam diebus nostris, in quibus peccatis exigentibus abundat iniquitas & multorum caritas refrigescit, nonnulli faciente cum eis Domino signum in bonum, (unde inter alia beneficia, quæ nobis misericorditer impertitur, ad gratiarum actiones propensius invitamur) posteriorum obliti, ad anteriora cum Apostolo se extendunt, & exuentes veterem hominem cum actibus suis, & novum, qui secundum Deum creatus est, induentes, in vitæ transeunt novitatem; cum relictis pro Deo quæ possident, & non quæ sua sunt, sed quæ Iesu Christi quærentes, voluntariam eligunt paupertatem, & divinæ se subjiciunt servituti: quorum desideriis tanto est propensius annuendum, quanto per opera pietatis gratiorem præstant altissimo famulatum. Licet autem secundum Apostolum neque qui plantat, neque qui rigat, sit aliquid, sed qui incrementum dat Deus, plantationem tamen vestram nonnullo apostolicæ protectionis præsidio disposuimus irrigare, quatenus Deo præstante misericorditer incrementum, fructum proferat exoptatum. Eapropter, dilecti in Domino filij, vestris justis postulationibus clementer annuimus, & præfatam domum sanctæ Trinitatis Cervi frigidi, in qua divino mancipati estis obsequio, sub beati Petri & nostræ protectione suscipimus, & præsentis scripti privilegio communimus: statuentes ut quascunque possessiones &c. usque ad verbum vocabulis. Locum ipsum in quo eadem domus vestra sita est, cum omnibus pertinentiis suis. Ecclesiam de Planellis, cum omnibus pertinentiis suis. Domum Burgi Regina, cum omnibus pertinentiis suis. Sanè novalium vestrorum &c. Liceat quoque vobis Clericos vel laicos &c. Prohibemus insuper ut nulli fratrum &c. Chrisma verò &c. Cum autem interdictum terræ &c. Obeunte verò &c. Paci quoque &c. Decernimus ergo &c. Salva sedis apostolicæ auctoritate, & diocesani Episcopi canonica

justitia. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, III. Nonas Februarij, Indictione secunda, incarnationis dominicæ anno M C X C V I I I. pontificatus verò Domini Innocentij Papæ tertij anno primo.

**E P I S C O P O E T M A G I S T R O**  
P. de Corbolio Canonico Parisien.

**C**um olim dilecti filij Decanus & Canonici Lingonen. contra Episcopum suum, ad citationem nostram ad petitionem ipsius Episcopi procuratam, ad sedem apostolicam accessissent, expectavimus si Episcopus idem, qui personaliter citatus fuerat, nostro se conspectui præsentaret. Qui cum nec venisset, nec misisset idoneos responsales, habito cum fratribus nostris super negotio ipso consilio, ipsum pro contumacia manifesta & dilapidatione vulgata, quam non solum ad aures nostras fama publica detulit, immo etiam Archiepiscoporum, Episcoporum, & aliorum religiosorum virorum testimoniales literæ demonstrant, ab administratione totius Lingonen. episcopatus tam in spiritualibus quam temporalibus omnino suspendimus; ei literis apostolicis districtius injungentes, ut suspensionem ipsam curaret inviolabiliter observare. Volentes autem (nisi fortè cedere mallet. quod salutis suæ melius expediret) causam quæ inter ipsum Episcopum & dilectum filium Decanum Lingonen. pro Ecclesia vertebatur super dilapidatione & insufficientia & aliis multis injuriis & gravaminibus ipsi Ecclesiæ per eundem Episcopum irrogatis, examinari celerius, & canonico sine decidi, ne si prorogaretur diutius, caderet irreparabiliter Ecclesia Lingon. quæ jam videtur in parte maxima cecidisse, ipsam tibi, frater Episcope, duximus committendam, per apostolica scripta mandantes quatenus partibus convocatis, si de utriusque partis voluntate procederet quòd per te diffinitiva sententia proferretur, auditis hinc inde propositis, & ascitis tibi viris prudentibus, quos tanto negotio cognoscere expedire, causam ipsam sine canonico terminares. Alioquin gesta utriusque partis redacta in scriptis, & sigilli tui munimine roborata, ad præsentiam nostram transmitters, præfigens partibus terminum compe-

Epist. 551.  
Vt contumaciam Capiti Lingonen. contra hunc Episcopum pertractet.

ntem, quo recepturæ sententiam nostro se conspectui præsentarent. Interim autem in procuratore idoneo Lingonenſi Eccleſiæ præcepimus provideri. Cùm autem prædictus Decanus & ſocij ejus cum prædictæ commiſſionis literis reſceſſiſſent, dilectus filius E. Archidiaconus Lingonen. advenit: ad cujus inſtantiam te fili magiſter P. duximus eidem negotio adjungendum; cùm in primis literis eſſet expreſſum, ut tu, frater Epicoſope, viros tibi prudentes aſcires. Volentes igitur ut tenorem prædictæ commiſſionis inviolabiliter obſervetis, licet ex abundantia, ad multam tamen inſtantiam Archidiaconi memorati, diſcretioni veſtræ præſentium auctoritate mandamus quatenus ſi dictum Epicoſopum per judicium inveneritis innocentem, ipſum non ſolum ab interdicti ſententia, verùm etiam ab impetitione Decani & Capituli ſuper objectis appellatione poſtpoſita penitus abſolvatis. Perſonales autem quaſtiones, ſi quas idem Epicoſopus & tam prædictus quam major Archidiaconus adverſus Decanum vel aliquos Canonicorum habuerint, audiat, & ſublato appellationis obſtaculo curetis ſine debito terminare; talem in procuratorem ipſius Eccleſiæ interim deputantes, qui neutri parti eſſe debeat de ratione ſuſpectus. Datum Laterani IV. Idus Februarij.

**COLIMBRIENSI ET ALIIS**  
*Epicoſopis in regno Portugallie conſtitutis.*

**C**vm in partibus veſtris, peccatis exigentibus, ſæpius contingat diverſa loca interdicto ſupponi, quando generale vel particulare dici debeat interdictum, apud vos accepimus in dubium revocari; cùm illi qui ab Eccleſia Romana decorari privilegio meruerunt, videlicet, ut cùm generale interdictum terræ fuerit, liceat eis clauſis januis, non pulſatis campanis, excluſis excommunicatis & interdictis, ſuppreſſa voce divina officia celebrare, interdicto particulari ſe aſſerant non arctari, aſſerentes illud interdictum generale duntaxat, quando regnum vel ſaltem provincia tota ſubjicitur interdicto. propter quod & juſtitia ſæpius deperit, & Prælatorum ſententiæ contemnuntur, cùm in aliis interdictis provinciis divina celebrent, & ſuſpenſis organis aliorum, ipſi pulſatis cam-

panis, & apertis januis, quoſlibet paſſim recipiant ad divina. Ne autem diverſa interpretatio diſcordiæ cauſam inter vos ulterius & odij fomitem valeat miniſtrare, vel quod interdictum dici debeat generale, amodo in dubium revocetur, ſignificatione vobis præſentium intimamus, quòd cùm in privilegiis de regno vel provincia nihil expreſſe dicatur, nomine terræ non ſolum regnum vel provinciam intelligi volumus, verùm etiam villam & caſtrum; ut & in his locum habeat quod de generali dicitur interdicto; videlicet, ut cùm villa vel caſtrum generali ſubjicitur interdicto, præſcripta privilegij forma debeat obſervari. Datum Laterani VII. Idus Februarij.

**ARCHIEPISC. ET CAPITULO**  
*Piſano.*

**C**vm apoſtolica ſedes Eccleſiam & civitatem Piſanam multum dilexerit hætenus, & in multis ſtuduerit honorare, ſicut operis exhibitio, quæ probatio eſt dilectionis, evidentè oſtendit; nos, qui, licet indigni, ad apoſtolatus officium ſumus Domino faciente promoti, prædeceſſorum noſtrorum & præcipuè ſanctæ memoriæ Innocentij Papæ volentes veſtigij in hære, ſi quædo nobis occurrunt per quæ honori Eccleſiæ veſtræ ac civitatis debeat derogari, ab eis vos & cives veſtros curamus propenſius revocare; quemadmodum vice verſa vos & ipſos ad exequenda illa libentiùs intendimus adhortari, unde poſſit communis utilitas provenire. Sanè cùm bonæ memoriæ Celeftini Papæ prædeceſſoris noſtri temporibus Legati apoſtolice ſedis civitatem Piſanam ſuppoſuerint interdicto, pro eo quòd cives Piſani à generalibus inſtitutis patriæ deviant, quia tamen forma tractatus illius nobis primitus oblata non placuit ſub eo tenore, ad petitionem & inſtantiam Piſanorum interdictum duximus relaxandum; ut ſi, correctione adhibita, forma concordie nobis placeret in poſterum, eam nobiſcum pariter recipere tenerentur. alioquin civitas ipſa reduceretur in ſententiam interdicti. Exinde verò dilecti filij Prior & alij civitatum reſtores ad noſtram præſentiam accedentes, tractatum concordie nobis & fratribus noſtris pariter obtulerunt: in quo, poſt correctionem adhibitam, nihil invenimus quod in eccleſiaſtici juris vel cu-

*Epift. 555.*  
Ve cives ſuos hortetur illam pacem atque concordiam ſervare, quam reliqui ordines Thuſciæ ſervabant.

*Vide ſuprà epift. 56.*